



Gwirfoddoli Cymru

Cylch Grantiau Strategol 2022/23

Cynnwys

| | |
|---|----|
| CYFLWYNIAD | 3 |
| NOD Y GRANT | 4 |
| AMCANION Y GRANT | 4 |
| MEINI PRAWF CYMHWYSEDD..... | 5 |
| Y BROSES CYFLWYNO CAIS | 6 |
| COFRESTRU GYDA MAP..... | 7 |
| CYFLWYNO CAIS – PROSES GWIRIO CYMHWYSEDD | 8 |
| PA DDOGFENNAU Y MAE ANGEN I MI EU CYFLWYNO? | 9 |
| BETH FYDD YN CAEL EI OFYN FEL RHAN O'R FFURFLEN GAIS..... | 10 |
| DYDDIADAU PWYSIG | 12 |

CYFLWYNIAD

Bydd grant Strategol Gwirfoddoli Cymru eleni yn adeiladu ar y gwaith a wnaed yn y rhaglen beilot gychwynnol. Bydd prosiectau yn datgloi'r potensial ar gyfer ymgorffori a/neu uwchraddio'r gwirfoddoli cydgysylltiedig. Croesawir ceisiadau grant ar gyfer prosiectau hyd at 12 mis o hyd gwerth rhwng **£50,000 a £100,000**.

Yn ystod y pandemig, rydyn ni wedi gweld enghreifftiau ardderchog o'r sector gwirfoddol yn gweithio mewn partneriaeth gyda'r sector cyhoeddus a'r sector preifat er mwyn diwallu anghenion dynodedig ar adeg argyfwng.

Yn ogystal â hyn, mae'r pandemig a'i ganlyniadau yn golygu bod angen parhaus am bartneriaethau newydd a ffyrdd newydd o weithio gyda gwirfoddolwyr a gellir eu datblygu i helpu i ddiwallu anghenion dynodedig.

Rydym yn croesawu ceisiadau gan brosiectau a fydd yn cynnwys neu'n gweithio er budd ceiswyr lloches a ffoaduriaid.

NOD Y GRANT

Bydd y gronfa hon yn galluogi nifer fach (3-5) o fuddsoddiadau strategol i adeiladu ar y dulliau/mentrau newydd neu well o wirfoddoli ledled Cymru ac i ddysgu oddi wrthyn nhw. Bydd yn galluogi'r cynnydd a wnaed yn ystod y pandemig i gael ei archwilio ymhellach a'i 'ymwreiddio' i mewn i waith parhaus.

AMCANION Y GRANT

Datgloi potensial strategol gwirfoddoli yn ystod y cyfnod mwy hirdymor drwy:

- Adnabod yr angen strategol ac edrych ar gyfleoedd gwirfoddoli newydd neu gael gwared â rhwystrau i wirfoddoli;
- Edrych ar bartneriaethau o fewn y trydydd sector, y sector preifat a'r sector cyhoeddus a'r partneriaethau sydd rhyngddynt;
- Cefnogi'r gwaith o uwchraddio isadeiledd strategol a threfnu gwirfoddolwyr i ymgorffori arferion da sy'n dod i'r amlwg;
- Dysgu'n drylwyr am gydraddoldeb a chynhwysiant ym maes gwirfoddoli a sut y mae hyn yn effeithio ar gymunedau a'u lefelau ymgysylltu;
- Cryfhau partneriaethau;
- Hybu buddsoddi ariannol ac anariannol pellach.

Croesawir cynigion o safon uchel ar gyfer unrhyw fath o weithgaredd gwirfoddoli ond yn enwedig os yw'n rhoi blaenoriaeth i un o'r canlynol:

- Cydraddoldeb ac amrywiaeth
- Newid hinsawdd
- Iechyd a gofal cymdeithasol
- Datgloi potensial y sector preifat a'r sector cyhoeddus
- Pobl ifanc ac addysg
- Yr iaith Gymraeg a gweithgareddau diwylliannol
- ceiswyr lloches a ffoaduriaid

MEINI PRAWF CYMHWYSEDD

- Cyn cyflwyno eich cais, dylech chi siarad ag aelod penodol o staff CGGC neu aelod penodol o Dîm Cymorth y Trydydd Sector yn Llywodraeth Cymru (gweler isod). Bydd hyn yn sicrhau bod eich gweithgaredd yn cyd-fynd â nodau'r grant. Fel rhan o'r cais, bydd angen i chi roi enw'r aelod staff rydych chi wedi cysylltu ag ef. Ni fydd ceisiadau lle na chysylltwyd ag aelod staff o flaen llaw yn cael eu cyflwyno gerbron y panel.

Cysylltwch â'r aelod tîm y gallech fod wedi trafod eich prosiect ag ef yn flaenorol:

| Aelod staff | Teitl swydd | E-bost |
|--------------------|--|--|
| Sian Baker Maurice | Rheolwr Datblygu Cynllun Grant Gwirfoddoli | sbakerm Maurice@wcva.cymru |
| Fiona Liddell | Rheolwr Helpu Cymru | fliddell@wcva.cymru |
| Michiel Blee | Rheolwr Gwirfoddoli Cymru | mblees@wcva.cymru |
| Natalie Zhivkova | Swyddog Polisi Gwirfoddoli | nzhivkova@wcva.cymru |
| Catherine Miller | Pennaeth Grantiau a'r Amgylchedd | cmiller@wcva.cymru |
| Llywodraeth Cymru | Tîm Cymorth y Trydydd Sector | thirdsectorqueries@gov.wales |

- Mae eich mudiad yn canolbwyntio ar gymryd y camau nesaf gyda'ch gweithgaredd gwirfoddoli strategol, yn ceisio adeiladu ar y gwersi a ddysgwyd hyd yma i werthuso a chryfhau eich dull gweithredu ymhellach. E.e. cynyddu graddfa, ehangu partneriaethau, egluro arweinyddiaeth ac atebolrwydd neu adeiladu seilwaith cymorth cryfach.
- Mae gan eich mudiad incwm blynyddol o fwy na £250,000 (gall hyn fod yn gyfartalog dros y tair blynedd ddiwethaf) ac nid yw lefel y grant y cyflwynir cais amdano yn fwy nag 20% o'ch incwm blynyddol.
- Rydych chi'n fudiad corfforedig sydd wedi bod yn weithredol ers o leiaf dwy flynedd
- Gallwch chi ddarparu llythyron cefnogi gan bartneriaid posibl/partneriaid presennol a/neu lythyron cefnogi gan fyrddau/gweithgorau arwain/strategol/partneriaeth perthnasol.
- Croesawir ceisiadau gan bob sector.
- Anogir ceisiadau gan bartneriaethau ond nid oes angen i brosiectau fod yn rhai cydweithredol o reidrwydd.
- Y gallu i gyflenwi'r prosiect o fewn yr amserlen benodedig.
- Gall Cynghorau Gwirfoddol Sirol (CVCs) fod yn bartneriaid penodol mewn ceisiadau, ond ni allant fod yn brif ymgeisydd.

YR HYN NA ELLIR EI GYLLIDO

- Ni fydd grantiau yn cael eu dyfarnu ar ôl yr achos, h.y. am gostau sydd eisoes wedi codi cyn derbyn y llythyr cynnig grant a'r telerau ac amodau wedi'u llofnodi.
- Pan fydd grantiau eraill gan Lywodraeth Cymru ar gyfer gweithgareddau penodol, disgwylir i'r rhain cael eu defnyddio lle'n bosibl.
- Proselyteiddio gweithgareddau

Y BROSES CYFLWYNO CAIS

Mae'r broses cyflwyno cais wedi'i rhannu'n ddau gam ar gyfer ymgeiswyr.

Cam 1: Cais

Yn rhan gyntaf y ffurflen cais, byddwch chi'n rhoi manylion eich mudiad, gan gynnwys polisiau, cyfrifon diweddaraf, a manylion cyswllt.

Byddwch chi'n defnyddio gweddill y ffurflen gais i ddisgrifio'r prosiect yn fanwl.

Ar ôl i'r cais gael ei gyflwyno, bydd y tîm Grantiau yn adolygu'r cais yn erbyn y meini prawf cymhwysedd ac yn asesu atebion yn erbyn nodau ac amcanion y grant. Efallai y bydd y tîm yn cysylltu â chi i gael manylion ychwanegol, gwybodaeth/dogfennau ategol os ydynt ar goll.

Bydd ansawdd y ceisiadau yn cael eu gwirio cyn cyflwyno'r argymhellion terfynol i Fwrdd Gwirfoddoli Cymru.

Cam 2: Bwrdd Gwirfoddoli Cymru*

Bydd yr holl geisiadau sy'n pasio'r gwiriadau cymhwysedd yn cael eu hatgyfeirio i Fwrdd Gwirfoddoli Cymru. Bydd y Bwrdd yn penderfynu pa geisiadau i'w cyllido. Gall hefyd wneud argymhellion am gyllid rhannol pan fo'n briodol/yn unol â'r cyllid sydd ar gael.

Unwaith y bydd y Cadeirydd wedi cymeradwyo'r penderfyniad terfynol, bydd llythyrâu canlyniad yn cael eu hanfon at bob ymgeisydd.

***Bwrdd Prosiect Gwirfoddoli Cymru** sy'n darparu'r cyfeiriad strategol a'r trosolwg o'r cynllun grant. Mae'n cefnogi'r gwaith o arfarnu a dyfarnu grantiau ac yn adolygu perfformiad prosiectau. Mae'r Bwrdd yn cynnwys aelodau o Fwrdd CGGC ac aelodau a bennwyd o'r gymuned gwirfoddoli yng Nghymru.

COFRESTRU GYDA MAP

Er mwyn gwneud cais am Grantiau Gwirfoddoli Cymru, bydd angen i chi gofrestru gyda Phorth Ymgeisio Amlddiben CGGC (MAP). Os ydych wedi cofrestru gyda MAP o'r blaen, gallwch fewngofnodi drwy nodi eich enw defnyddiwr a'ch cyfrinair ar y dudalen hafan.

Gall mudiadau gofrestru trwy fynd i'r wefan: map.wcva.cymru

Unwaith y byddwch wedi cofrestru gyda MAP, byddwch chi'n gallu ymgeisio am unrhyw gyfleoedd cyllido a weinyddir gan CGGC.

CYFLWYNO CAIS – PROSES GWIRIO CYMHWYSEDD

Dylech chi adolygu'r wybodaeth ganlynol cyn cyflwyno cais am y cylch grant. Dim ond ceisiadau gan fudiadau sy'n gallu dangos eu bod yn bodloni'r meini prawf sylfaenol fydd yn symud i'r asesiad llawn:

- 1) Sicrhewch eich bod chi'n bodloni'r meini prawf sylfaenol:
 - Corfforedig ers o leiaf 2 flynedd
 - Incwm o fwy na £250,000 (cyfanswm cyfartalog dros y 3 blwyddyn ariannol ddiwethaf lle y bo'n berthnasol) ac nid yw lefel y grant y gofynnir amdano yn fwy nag 20% o'ch incwm blynyddol
 - Bodloni (o leiaf un) o amcanion y gronfa

- 2) Darparu tystiolaeth bod y mudiad yn canolbwyntio ar y camau nesaf o'u gweithgareddau gwirfoddoli strategol, yn ceisio cynyddu graddfa, partneriaethau, strategaeth, a threfniadau. Gallai enghreifftiau o **dystiolaeth** y mae'n rhaid iddi gefnogi'r pwrpas a'r cynllun a ddisgrifir gynnwys:
 - Strategaeth wirfoddoli
 - Strategaeth 5 mlynedd y mudiad neu ei gynllun blynyddol
 - Cofnodion cyfarfodydd uwch-reoli
 - Dogfennau cynllunio / cofnodion / nodiadau / cytundebau â phartneriaid
 - Cyfeirio at faes gweithgarwch mewn strategaethau partneriaeth lleol/rhanbarthol e.e. Byrddau Partneriaeth Lleol, Byrddau Partneriaeth Rhanbarthol, Fforymau Gwydnwch Lleol ac ati

- 3) Mae'n rhaid i unrhyw bartneriaid a nodwyd ddarparu llythyr o gefnogaeth/fwriad. Mae'n rhaid i lythyron o gefnogaeth gysylltu'n ôl yn glir i'r gweithgaredd a ddisgrifiwyd ac nid cefnogi gweithgareddau'r mudiad yn gyffredinol.

- 4) Os nad yw partneriaid penodol wedi'u nodi hyd yma gan mai nod y gweithgaredd hwn yw "Adnabod yr angen strategol ac archwilio cyfleodd gwirfoddoli newydd" bydd angen i fyrddau/gweithgorau arwain / strategol / partneriaethau ddarparu llythyron o gefnogaeth/fwriad i ymgysylltu. E.e. Byrddau Sector Cyhoeddus, Byrddau Partneriaeth Rhanbarthol, Byrddau Iechyd, Fforymau Gwydnwch Lleol. Mae'n rhaid i'r rhain gysylltu'n ôl yn benodol i'r gweithgaredd a ddisgrifiwyd ac nid llythyr o gefnogaeth yn gyffredinol ar gyfer gweithgareddau cyffredinol y mudiad.

- 5) Sylwer: Rhoddir blaenoriaeth i geisiadau sy'n gweithio yn y meysydd blaenoriaethol a nodwyd.

PA DDOGFENNAU Y MAE ANGEN I MI EU CYFLWYNO?

Bydd y cais yn gofyn i chi gyflwyno dogfennau ar-lein ar ffurf PDF wedi'i sganio.

Bydd angen i chi gyflwyno dogfennau sy'n benodol i'ch mudiad, ond os nad oes gan eich mudiad fersiynau terfynol o unrhyw un o'r polisiau ar hyn o bryd, gallwch gysylltu â'ch CVC lleol am gymorth ([gellir dod o hyd i'r cyfeiriadur yma](#)). Mae'n bosibl na fydd yn gwneud eich cais yn anghymwys, ond byddem yn disgwyl gweld bod polisiau'n cael eu datblygu cyn y dyfarniad:

- Polisi Gwirfoddoli
- Dogfen lywodraethu
- Polisi Cyfle Cyfartal
- Polisi Amgylcheddol
- Polisi Iaith Gymraeg
- Polisi Diogelu Data (sy'n dangos cydymffurfiad â'r GDPR)
- Polisi Diogelu (Rhaid i bolisiau diogelu fod yn addas i'r diben. Os gwelir wrth adolygu fod angen diwygiadau/addasiadau, byddwch chi'n cael gwybod. **Ni fydd unrhyw gais yn cael ei argymhell i'r panel heb bolisi Diogelu digonol**). Gweler y canllawiau: <https://thirdsectorsupport.wales/cy/adnoddau/polisi-diogelu-canllawiau/>
- Datganiad banc diweddaraf (o fewn y 3 mis diwethaf)
- Set ddiweddaraf o gyfrifon archwiliatedig llawn
- Set ddiweddaraf o gyfrifon drafft (os yw'r cyfrifon archwiliatedig yn hynach na 12 mis oed NEU gyfrifon rheoli (os yw'r cyfrifon archwiliatedig yn hynach na 12 mis oed)
- Proffil ariannol prosiect (bydd angen cwblhau hwn ar dempled gorfodol CGGC)

BETH FYDD YN CAEL EI OFYN FEL RHAN O'R FFURFLEN GAIS

(mae'n rhaid cyflwyno eich cais drwy [MAP](#)):

- 1) Bydd angen i bob cais ddarparu cynllun prosiect sy'n amlinellu diben y cais am gyllid a sut y bydd yn cael ei gyflawni, dylai hyn gynnwys:
 - 'Broliant lifft' 50 o eiriau sy'n disgrifio mewn termau syml iawn beth y bydd y prosiect yn ei gyflawni
 - Nod(au) ac amcanion y prosiect
 - Sut y bydd y nod a'r amcanion yn cael eu cyflawni; beth fydd yn cael ei fesur er mwyn dangos hyn
 - Disgrifiwch pa adnoddau fydd yn cael eu defnyddio ar gyfer y prosiect hwn – dylid osgoi creu rolau dros dro anghynladwy lle y bo'n bosibl
 - Prif risgiau a mesurau lliniaru
 - Amserlen fras o weithgareddau
- Yn amodol ar natur y gweithgaredd rydych chi'n dymuno ei gyflenwi, gallai meysydd posibl i'w hystyried gynnwys y canlynol. Nid yw hon yn rhestr gynhwysfawr ac rydyn ni'n croesawu pob syniad prosiect sy'n cyd-fynd â nodau'r cynllun:
 - Nodi meysydd/angen am ymyrraeth (a yw'n cael effaith ehangach bosibl)
 - Profi ac archwilio rhagdybiaethau
 - Sefydlu damcaniaeth newid
 - Adnabod a gweithio mewn partneriaethau allweddol
 - Gwerthuso a rhoi adborth effeithiol ar y gweithgareddau presennol, neu'r gweithgareddau a uwchraddiwyd drwy'r cyllid hwn. **Sylwer, nid yw gwerthuso gweithgaredd prif grant Grant Gwirfoddoli Cymru yn gymwys fel gweithgaredd unigol.**
- 2) Pwy yw'ch partneriaid/rhanddeiliaid ar gyfer y gweithgaredd hwn?
 - Meysydd posibl i'w hystyried:
 - Atebolrwydd ac arweinyddiaeth – sut y caiff y prosiect ei arwain a'i lywodraethu ar lefel strategol a/neu lefel weithredol?
 - A yw'r partneriaethau strategol/gweithredol hyn yn rhai a hen sefydlwyd neu a yw'r cais wedi'i gefnogi gan bartneriaid posibl?
 - Rolau a chyfrifoldebau penodol pob partner gan gynnwys y prif ymgeisydd - rhowch ystyriaeth i'r systemau sydd mewn lle, gan gynnwys cytundebau partneriaeth a mewnbwn allweddol gan bob partner

3) Beth fydd effaith eich gweithgaredd?

- Meysydd posibl i'w hystyried:

- Canlyniadau ac effaith ddisgwyliedig yn ystod oes y prosiect a thu hwnt.
- Os bydd eich nod a'ch amcanion yn cael eu cyflawni, beth fydd hyn yn ei olygu i'ch buddiolwyr a phrif randdeiliaid yn yr hirdymor?
- Sut byddwch chi'n cynnal y broses gwerthuso effaith?
- Sut bydd canlyniadau'r broses gwerthuso effaith yn hysbysu eich camau nesaf?

4) Cyllideb

- Pethau i'w hystyried:

- Mae'r grant hwn yn bennaf ar gyfer costau refeniw ond gellir ystyried eitemau bach ar gyfer costau cyfalaf (uchafswm o £5,000) os ydynt yn hanfodol er mwyn cyflenwi'r prosiect
- Mae'r gyllideb yn cysylltu'n ôl yn glir i'r gweithgareddau a ddisgrifiwyd
- Dylai costau fod yn gymesur â graddfa'r gweithgaredd
- Dylid rhoi ystyriaeth gymesur i werthuso ac i rannu gwersi a ddysgwyd. Dylid cynnal unrhyw weithgaredd monitro a gwerthuso drwy gydol oes y prosiect a dylid cyflwyno canfyddiadau ymhen 3 mis o pan fydd y prosiect yn dod i ben.

DYDDIADAU PWYSIG

Dyddiad lansio: 17 Mai 2022

Dyddiad cau ar gyfer ceisiadau: 07 Awst 2022

Canlyniad y cais am grant: 13 Awst 2022

Dyddiad dechrau prosiect cynharaf: 14 Medi 2022

dyddiad diwedd y prosiect diweddaraf: 30 Medi 2023